


IDEIS PE LETURE



D. Craziz e D. Alessio, "Tropis talputis àno i amis di UT?", golaine "A ogni frUT il so librUT 3", Corvino Edizioni, 2018.

LIS AVENTURIS DI VIGJI E...


CJÂR DIARI,

ce bieî colôrs che mi involucin a buinore, cuant che o vierç i miei vogluts picinins picinins. Vert, narançon, ros, celest, rose. E ce bielî sensazions e emozions che o vîf cuant che o cjali ator ator di me: ligrie, maravee, curiositât, gjonde.

Ah, ce biel jessi rivade culî, intun mont cussî dolç e plen di sorpresis! Se o ai di contâti la veretât, o ai capî di pôc che o soi une gjatute. O soi nassude di pocjîs zornadis, ma o ai plui nons che **talpis**: tuie, gjatute, gjatut, micia, micio, amôr, stele, stelute. Une buine fature a capî cuant che o ai di rispuindi a ducj chei che mi cjalin cun chei voi grancj e che



Progjet promovût di 'Il Friuli' e 'ARLeF'

 **Tant par ridi**


Doi scovacins a stan cjapant sù lis fueis muartis tai zardins publics.

Bot e sclop, une bugade di aiar e fâs svolâ vie une fuee e un dai doi al dîs "Spiete un moment! Une fuee si è mote: forsit alore e jere dome che e durmive!".



mi fevelin cun chê bocje bocognone!

O soi sigure di jessi avonde ninine, par vie che o viôt che lis musis, cuant che mi cjalin, a diventin come un soreli: sioris di lûs.

No sai ancjemò ben cemût che mi clami: pal moment mi

contenti di viodi ce biel efiet che o fâs ator ator di me. Cumò ti saludi, che o soi un tic stracute.

O voi a nanâ e mi pronti par une gnove zornade di sorpresis.

Ti bussi, la tô gjatute



LU SAVEVISO CHE...?

■ Il "Pan zâl" e je une piçule fuiace dolce fate cu la coce che, daûr de tradizion antighe, e ven preparade dilunc dal mêis di Otubar de int di Rose, une piçule frazion di S. Vît dal Tiliement. Di fat, dai 18 ai 28 di Otubar, a Rose e ven inmaneade une sagre che i è dedicade, clamade propit Sagre dal Pan zâl.



Maman! Une gnove stagion cun tantis sorpresis! Us din apontament su



Vinars aes 5.45 sot sere

Pagjinis curadis di Daria Miani
Consulence linguistiche de ARLeF

ARLeF
AGENZIE
REGIONAL
PE LENGHE
FURLANE